

Կ Ա Ր Գ

ՊՐՈՔԱՑԻԱՅԻ ՊԵՏԱԿԱՆ ԾԱՌԱՅՈՒԹՅԱՆ ԿՈՂՄԻՑ  
ԹԱՐԳՄԱՆՉԻ ՆԵՐԳՐԱՎՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. «Պրոքացիայի մասին» Հայաստանի Հանրապետության օրենքով սահմանված իրավունքներն իրեն հայտնի լեզվով իրականացնելու նպատակով պրոքացիայի շահառուն իրավունք ունի պետական միջոցների հաշվին օգտվելու թարգմանչի ծառայություններից:

2. Թարգմանիչը թարգմանության համար անհրաժեշտ լեզվին տիրապետող և պրոքացիայի շահառուին իր իրավունքների իրացման համար թարգմանչական ծառայություններ մատուցող գործունակ այն անձն է, ով ունի բարձրագույն կրթություն և համապատասխան օտար լեզվին տիրապետելու փաստը հաստատող փաստաթուղթ: Թարգմանիչ է համարվում նաև ժեստերի լեզվի թարգմանիչը:

3. Պրոքացիայի պետական ծառայությունը թարգմանիչների է ներգրավում այն դեպքում, երբ պրոքացիայի շահառուն չի տիրապետում հայերենին:

II. ԹԱՐԳՄԱՆՉԻ ՆԵՐԳՐԱՎՄԱՆ ԸՆԹԱՑԱԿԱՐԳԸ

4. Պրոքացիայի պետական ծառայության կողմից թարգմանիչները ներգրավվում են «Գնումների մասին» Հայաստանի Հանրապետության օրենքով սահմանված կարգով:

5. Հայաստանի Հանրապետության արդարադատության նախարարության աշխատակազմը հայտարարում է թարգմանիչների մրցույթներ, որոնց արդյունքում հաղթող ճանաչված մասնակիցների հետ պայմանագիր կնքելուց հետո վերջիններս ներառվում են պրոքացիայի պետական ծառայության կողմից վարվող թարգմանիչ-

ների էլեկտրոնային ռեեստր (այսուհետ՝ ռեեստր): Թարգմանչի հետ կնքված պայմանագրի ժամկետը լրանալուց հետո թարգմանչի մասին տվյալները հանվում են ռեեստրից:

6. Հաղթող ճանաչվելուց հետո որպես թարգմանիչ ներգրավված անձը պրոբացիայի պետական ծառայություն է ներկայացնում հետևյալ փաստաթղթերը՝

1) դիմում, որում պետք է նշվեն դիմողի անունը, ազգանունը և հայրանունը (առկայության դեպքում), այն լեզուն (լեզուները), որով (որոնցով) դիմողն իրականացնելու է թարգմանությունը.

2) դիմողի բնակության կամ գտնվելու վայրը, հեռախոսահամարը, էլեկտրոնային փոստի հասցեն (դրա առկայության դեպքում).

3) 2 գունավոր լուսանկար՝ 4 x 6 չափսի.

4) անձնագրի կամ նույնականացման քարտի պատճենը.

5) բարձրագույն կրթության և համապատասխան լեզվին տիրապետելու փաստը հաստատող փաստաթղթերի պատճենները:

7. Թարգմանչի վարձատրության չափը և կարգը սահմանվում են «Գնումների մասին» Հայաստանի Հանրապետության օրենքով սահմանված կարգով՝ մրցույթի արդյունքում ընտրված ֆիզիկական անձի հետ կնքված գնման պայմանագրով:

8. Ռեեստրում ներառված անձը որպես թարգմանիչ նշանակվում է պրոբացիայի պետական ծառայողի որոշմամբ, որում նշվում են շահառուի տվյալները (անունը, ազգանունը, հայրանունը (առկայության դեպքում), ծննդյան օրը, ամիսը, տարեթիվը, անձնագրի կամ նույնականացման քարտի տվյալները, դատական ակտի կամ կատարման ենթակա այլ ակտի մասին տվյալները), թարգմանչի տվյալները (անունը, ազգանունը, հայրանունը (առկայության դեպքում), այն ժամանակահատվածը, որի ընթացքում մատուցվելու են ծառայությունները, այն լեզուն, որով իրականացվելու է թարգմանությունը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ  
ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ